

ТОШКЕНТ ҲАҚИҚАТИ

928 йил 11 декабрда асос солинган

ФАРЗАНДЛАРИ СОҒЛОМ ЮРТНИНГ КЕЛАЖАГИ БУЮҚДИР

Ўзбекистон Республикаси Президенти Шавкат Мирзиёев 2017 йил 5 январь куни соғлиқни сақлаш соҳасининг бир гуруҳ етакчи мутахассислари билан учрашди.

Видеоконференция шаклида ўтган учрашулда ҳукумат аъзолари, сенаторлар, вилоят ҳокимлари, вазирилик ва идоралар, давлат ва жамоат ташкилотлари раҳбарлари, тиббиёт олий таълим муассасалари ректорлари, соғлиқни сақлаш тизими масъул ходимлари иштирок этди.

Соғлиқни сақлаш соҳасини ислоҳ қилиш давлат сиёсатининг энг муҳим йўналишларидан биридир, — деди Шавкат Мирзиёев. — Мамлакатимизда соғлиқни сақлаш тизимини янада такомиллаштириш, тиббиёт ходимлари меҳнатини рағбатлантириш, даволашнинг замонавий технология ва усуллари кенг жорий этишга алоҳида эътибор қаратилмоқда.

Биринчи Президентимиз Ислоҳ Каримов раҳнамолигида амалга оширилган халқимизнинг муносиб ҳаёт сифатини таъминлаш, оналик ва болаликни муҳофаза қилиш, ҳар томонлама соғлом авлодни тарбиялаш, тиббий хизмат сифатини оширишга қаратилган тизимли ишлар изчил давом эттирилмоқда. Мустақиллик йилларида ҳаётга татбиқ этилган кенг қўламли ислохотлар самарасида соғлиқни сақлаш тизими тубдан ўзгарди. Аҳолининг сифатли тиббий хизматдан фойдаланиши Ўзбекистон Республикасининг "Фуқаролар соғлигини сақлаш тўғрисида"ги Қонуни билан мустаҳкамланди.

Шифокорлик касбини улуғлаш, уларнинг машаққатли меҳнатини муносиб рағбатлантиришга алоҳида эътибор қаратилаётир. 1998 йил 10 ноябрда қабул қилинган "Ўзбекистон Республикаси соғлиқни сақлаш тизимини ислоҳ қилиш давлат дастури тўғрисида"ги Президент фармони замонавий талабларга жавоб берадиган ва мамлакатимизнинг барча ҳудудларида аҳолига малакали хизмат кўрсатадиган, жумладан, оналик ва болаликни муҳофаза қилиш бўйича яхлит тизимни шакллантиришда муҳим омили бўлди. Мазкур ҳужжатга мувофиқ мамлакатимизда бирламчи тиббий ёрдам кўрсатиш бўйича замонавий тиббий хизмат тизими ташкил қилинди. Ушбу хизмат қишлоқ врачлик пунктлари ва шаҳар оилавий поликлиникалар тармоғини қамраб олган.

Бугунги кунда кардиология, жарроҳлик, кўз микрохирургияси, урология, терапия ва тиббий реабилитация, эндокардиология, пульмонология ва фтизиатрия, акушерлик ва гинекология, дерматология ва венерология, педиатрия ва бошқа йўналишлардаги махсус илмий-амалий тиббиёт марказларида юқори сифатли хизмат кўрсатилмоқда. Ушбу шифо муассасаларида ҳар

йили 50 мингга яқин юқори технологияли мураккаб операциялар бажарилади, 600 мингдан кўпроқ беморга амбулатор хизмат кўрсатилади. Олимларнинг долзарб мавзулардаги илмий изланишлари натижасида тиббиётнинг йигирмадан зиёд йўналишлари бўйича 1000 дан ортиқ даволаш-диагностика стандартлари ишлаб чиқилди.

2016 йил — Соғлом она ва бола йилида мамлакатимиз тиббиёт муассасаларини замонавий диагностика ва даволаш усуналари билан жиҳозлаш учун 80 миллион доллар қийматидаги кредит ва грант маблағлари йўналтирилди, фарзанд кўриш ёшидаги аёллар ва болалар тиббий кўриқдан ўтказилиб, соғломлаштирилди. Республика ихтисослаштирилган педиатрия илмий-амалий тиббиёт марказида эшитиш бўйича нуқсонли бўлган 350 дан ортиқ болада кохлеар имплантация операциялари амалга оширилди. 700 минг бола пневмококк инфекцияси ва бошқа юқумли касалликларга қарши эмланди.

Аммо бугун замон ўзгармоқда, одамларнинг талаби ошиб бормоқда. Халқимизнинг тиббий маданияти юксалиб, энг сўнгги усул ва русумларда тиббий хизмат кўрсатилишини истади. Бизга шу ҳам бўлаверади, деган тушунча энди ўз умрини ўтаб бўлди. Бу барча соҳалар қатори тиббиёт соҳасига ҳам бевосита дахлдор, деди Президентимиз. Шу боис соҳа ходимлари тиббиётнинг энг илгор, замонавий йўтуқларини, даволаш усуллариини ўзлаштириши зарур. Эришилган йўтуқларга маҳалиё бўлиб ўтириш тараққиёт йўлидаги энг катта говдир.


2017 йилнинг Халқ билан мулоқот ва инсон манфаатлари йили деб эълон қилинганда ҳам катта маъно мужассам. Зеро, инсон манфаатлари деганда, аввало инсоннинг саломатлиги, замонавий тиббий хизматдан тўлақонли фойдаланиши ҳам назарда тутилди.

Шавкат Мирзиёев ўзининг сайловолди учрашувларида халқнинг ичига кириб, уларнинг дарди, муаммолари, тақлифларини эшитиш лозимлигини алоҳида қайд этди. Бош вазирининг виртуал қабулхонасига келган мурожаатларнинг 7 мингдан зиёди айнан тиббиёт соҳасига тегишли экани ҳам мазкур соҳада муайян муаммолар йиғилиб қолганлигини кўрсатмоқда. Аҳолининг мурожаатлари, фикр-мулоҳазалари ва тақлифлари соғлиқни сақлаш тизимини янги босқичга кўтаришни таъминлаш эҳтиёжидир.

Давоми 2-бетда. ➡

Эътибор

Хунармандчилик миллий қадриятларимизнинг ажралмас қисми. Ота-боболаримиздан мерос ушбу фаолият мустақиллик туфайли қайта жонланди. Юксак эътибор ва имтиёзлар хунармандларга ўзларининг янги-янги маҳорат қирраларини қамоён этишлари учун кенг имкониятлар яратмоқда.



ЭЪЗОЗ ТОПАЁТГАН АНЪАНАЛАР

Қадимдан миллий хунармандчиликнинг йирик марказларидан бири бўлган вилоятимизда ҳам сўнгги йилларда хунармандчилик ва амалий санъати билан шуғулланаётган яқка тартибдаги тадбиркорлар 25 йўналиш бўйича фаолият юритмоқда. Қўли гул кишилардан 900 га яқини уюшма аъзоси бўлиб, республикамизда қадимий касбларни қайта тиклаш ва ривожлантиришга ҳисса қўшиб келмоқда. Уларнинг 422

нафари хотин-қизлар, 100 дан ортиги касб-хунар коллежлари битирувчилари экани эътиборга лойиқ. Шунингдек, вилоятимизда "Устоз-шогирд" анъаналари асосида иш юритаётган 48 та хунармандлар мактабиде 167 нафар ёшларимиз устозларидан ўзлари қизиққан касб йўналишлари бўйича сабоқ олмоқдалар.

Уюшма маълумотларига кўра, сўнгги йилларда ганч ўймақорлиги, пичоқчилик, зардўзлик, каштадўзлик, миллий русумдаги чопон ва дўппичилик, наққошчилик, қосибчилик, темирчилик сингари соҳаларнинг Тошкент йўналишидаги мактаблари, айниқса, кенг ривожланмоқда. "Хунарманд" уюшмаси вилоят бўлими улар ишлаб чиқараётган маҳсулотлар сотувини ташкил этиш, миллий буюм ва амалий санъат асарларини экспортга чиқаришга кўмаклашмоқда. Вилоят хунармандлари кўллаб танлов ва халқаро кўр-

казма ҳамда фестивалларда ҳам муваффақиятли иштирок этишмоқда. Хусусан, бу йил Жанубий Кореяда миллий амалий санъат ва хунармандчилик йўналишида ўтказилган халқаро фестивалда республикамиз хунармандлари номидан иштирок этган вилоятимизнинг тўрт вакили тадбирнинг махсус дипломи билан тақдирланди.

Давоми 3-бетда. ➡
Азамат АХМЕДОВ
олган сурат.

ТАБИЙ ФАНЛАРНИ ЎҚИТИШНИНГ ЗАМОНАВИЙ УСУЛЛАРИ

Мамлакатимизда халқ таълими соҳасида юз бераётган улкан ўзгаришлар, замон талаблари асосидаги кенг қўламли ислохотлар келажак авлод тарбияси ва камолотига дахлдор ўқитувчилар масъулиятини янада кучайтирди.

Анжуман

Яқинда Тошкент Давлат педагогика университетида ташкил этилган "Аниқ ва табиий фанларни ўқитишнинг замонавий методологияси: муаммо ва ечимлар" мавзусидаги ўқитувчилар республика анжумани таълим жараёнига илгор педагогик ва ахборот коммуникация технологияларини жорий этиш орқали ўқитиш сифатини янги босқичга кўтариш,

фан ўқитувчиларининг касб маҳоратини ошириш мақсадида йўналтирилди.

Шунингдек, анжуманининг вилоят босқичи Чирчиқ шаҳрида бўлиб ўтди. Бу тадбирларда ўз тақдимотлари билан фаол иштирок этган Ангрэн шаҳар 73-ихтисослаштирилган мактаб-интернат ўқитувчиси Райхон Мамадалиева "Кимё фанидан амалий машгулотлар ва ла-

боратория тажрибаларини ўтказишда медиа-ресурслардан самарали фойдаланиш йўллари" мавзусидаги маърузаси билан қатнашиб, ўқитувчилар эътирофига сазовор бўлди.

— Ҳали ўз устимда ишлаш керак, — дейди Р. Мамадалиева. — Ўқитувчи етарли билим ва тажрибага эга эмас экан, ўқувчиларни замон талаблари даражасида ўқитиш, қизиқтириш осон бўлмайди.

Тадбирда шаҳар мактабларининг кимё-биология фанлари ўқитувчилари фаол иштирок этишди.

С. ЭШМАТОВА.



Хабарларда юрт нафаси

"Коррупцияга қарши курашиш тўғрисида"ги Ўзбекистон Республикасининг Қонуни кучга кирди. Ушбу Қонуннинг мақсади коррупцияга қарши курашиш соҳасидаги муносабатларни тартибга солишдан иборат. Қонун Олий Мажлис Қонунчилик палатаси томонидан 2016 йилнинг 24 ноябрда қабул қилинган, Сенат томонидан 2016 йилнинг 13 декабрида маъқулланган.

Ўзбекистон Республикаси Президентининг "2017-2019 йилларда тўқимачилик ва тиквентрикожа саноатини янада ривожлантириш чора-тадбирлари дастури тўғрисида"ги Қарорига кўра, 2017-2019 йилларда пахта толаси ва ипак хом ашёсини чуқур қайта ишлаш орқали ташқи бозорларда харидорғир бўладиган тайёр тўқимачилик ва тиквентрикожа маҳсулотлари ишлаб чиқариш ҳажми кескин ортishi кутилмоқда. Шу мақсадда қабул қилинган махсус дастурга мувофиқ, 2,2 миллиард доллардан зиёд маблағ ажратилиши режалаштирилган.

Ўзбекистон Республикаси Адлия вазири-лиги ҳузурдаги Суд қарорларини ижро этиш, судлар фаолиятини моддий-техник ва молиявий жиҳатдан таъминлаш департаменти директорининг виртуал қабулхонаси ишга туширилди. Жисмоний ва юридик шахсларнинг мурожаатлари билан ишлаш ҳолатини тубдан ислоҳ қилиш мақсадида йўлга қўйилган бу хизмат турига эндиликда www.suddep.uz сайти орқали мурожаат қилиш мумкин.

Даволаш муассасалари ва аҳолини доридармон воситалари ҳамда тиббиёт буюмлари билан таъминлаш устидан назорат қилиш бўйича республика Комиссияси дори-дармон воситалари ва тиббиёт буюмларининг айрим турлари учун келгандан улгуржи ва чакана сотиш нархларини тасдиқлади.

СУД-ҲУҚУҚ ТИЗИМИ:

ЯНГИЛАНИШ ИСТИҚБОЛЛАРИ

Ўзбекистон Республикаси Президентининг 2016 йил 21 октябрдаги "Суд-ҳуқуқ тизимини янада ислоҳ қилиш, фуқароларнинг ҳуқуқ ва эркинликларини ишончли ҳимоя қилиш кафолатларини кучайтириш чора-тадбирлари тўғрисида"ги Фармони мамлакатимизда инсон ҳуқуқларини муҳофаза қилишга қаратилган саяё-ҳаракатларни янги босқичга кўтарди.

Мазкур Фармон суд ҳокимиятининг чинакам мустақиллигини таъминлаш, фуқароларнинг ҳуқуқ ва эркинликларини ишончли ҳимоя қилиш кафолатларини кучайтириш, одил судловга эришиш каби қатор йўналишларни ўз ичига олади. Ушбу устувор йўналишларни амалга ошириш мақсадида суд, ҳуқуқни муҳофаза қилувчи ва назорат органларининг муҳим вазифалари белгилаб олинди. Жумладан, Конституция-мизнинг 112-моддасида

белгиланган судьялар мустақиллиги, уларнинг фақат қонунга бўйсунуши ва одил судловни амалга оширишдаги фаолиятига аралашганлик учун жавобгарликнинг муқаррарлиги тамойилига оғишмай амал қилинишини таъминлайди. Фуқароларнинг ҳуқуқ ва қонуний манфаатларини ҳимоялаш, уларга тажовуз қилишга қарши зарур чоралар кўриш, жисмоний ва юридик шахсларнинг мурожаатларини кўриб чиқиш тартиби-

нинг бузилиши ва сансалорликка йўл қўймаслик ҳам белгилаб қўйилган. Шунингдек, тегишли ахборотни ўз вақтида жамоатчиликка етказиш орқали фаолиятнинг очиқ-ошкоралигини таъминлаш, фуқаролик жамияти институтлари, оммавий ахборот воситалари ҳамда аҳоли билан ҳамкорликнинг самарадорлигини ошириш, ҳуқуқни қўллаш амалиёти ва амалдаги қонунчиликни такомиллаштириш орқали камчилик ва қонунбузилишларни аниқлаш ва бартараф этиш кўзда тутилган.

Ислохотларнинг марказида, шубҳасиз, суд тизимини малакали кадрлар билан таъминлаш вазифаси туради. Замо-

навий судья зарур таъриба ва малакага эга бўлиш билан бирга, мустақил фикр юритадиган, дунёқараш кенг, ҳаётий тажрибага эга, суд-ҳуқуқ тизимига давлат сиёсати ҳамда ислохотлар мазмун-моҳиятини чуқур ҳис этиши муҳим ҳисобланади.

Фармонга мувофиқ судьяларнинг ваколат мuddатлари қайта кўриб чиқилди. Хусусан, судьялик лавозимига биринчи марта беш йил мuddатга ва кейин ўн йил мuddатга, шундан сўнг мuddатсиз тайинлаш (сайлаш)ни назарда тутувчи тартиб жорий этилди. Киритилган бу ўзгаришлар халқаро стандартлар ва ривожланган демократик давлатларнинг илгор таж-

рибаларига тўлиқ мос келади.

Фармон билан 2017 йилнинг 1 апрелидан жиноят, жиноят-процессуал, фуқаролик процессуал ва бошқа қонун ҳужжатларида ўзгаришлар киритилмоқда. Жумладан, қамоқ тарзидаги айрим жинорий жазо турлари тугатилиб, унинг ўрнига озодликдан маҳрум қилиш билан боғлиқ бўлмаган жазонинг муқобил турларини қўллаш имконияти кенгайтирилмоқда. Шунингдек, жиноят содир этишда гўмон қилинган шахсларни ушлаб туриш мuddати 72 соатдан 48 соатга, қамоққа олиш ва уй қамоғи тарзидаги эътиёт чораларини қўллашнинг ва жиноят ишлари бўйича дастлабки терговнинг

энг кўп мuddатлари 1 йилдан 7 ойга қисқартирилмоқда.

Ушбу чораларнинг жорий этилиши фуқароларнинг эркинлигини асосси чеклашдан ҳимоя қилишни ҳамда суриштирув ва тергов органларининг масъулиятини таъминлайди.

Фармонга асосан ярашув институтини судда иш кўришда қўллаш доирасини кенгайтириш кўзда тутилмоқда. Бу норма қонунни четлаб ўтган, содир этган қилмишидан пушаймон бўлган ва етказилган зиёни қоплаган фуқароларни жавобгарликдан озод қилиш имконини беради.

Дилшод ИСМОИЛОВ,
вилоят прокурорининг
катта ёрдамчиси.

